



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU STRANKE ZA MLADOST, RAZVOJ I BUDUĆNOST

Broj: 03-07-6-1551/09  
Sarajevo, 11.03.2010. godine

## SADRŽAJ

MIŠLJENJE REVIZORA.....	3
1.UVOD.....	4
2.PREDSTAVLJANJE POLITIČKE STRANKE.....	4
3.OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4.PREDHODNE KONTROLE I REVIZIJE.....	5
5.NALAZI.....	5

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Stranke za mladost, razvoj i budućnost i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom, odnosno kontrolom finansijskog izvještaja nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled finansijskih izvještaja Stranke za mladost, razvoj i budućnost i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za mladost, razvoj i budućnost je iskazala prihode u iznosu od 300,00 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	300,00	100,00%
	<b>Ukupni prihodi:</b>	<b>300,00</b>	<b>100,00%</b>

U godišnjem finansijskom izvještaju Stranka za mladost, razvoj i budućnost je iskazala ukupne rashode u iznosu od 1.416,55 KM.

## 2. PREDSTAVLJANJE POLITIČKE STRANKE

Naziv političke stranke: Stranka za mladost, razvoj i budućnost. Skraćeni naziv stranke je SMRB.

Politička stranka je registrovana 20.05.2008. godine u Osnovnom sudu u Sokocu, pod brojem: 089-0-reg.08-000188.

Sjedište političke stranke je u Višegradu, ul. Kralja Petra I Karadorđevića.

Za zastupanje stranke ovlašten je Predrag Maljukan, predsjednik stranke.

Lice ovlašteno za podnošenje finansijskih izvještaja za 2008. godinu je Miloš Milinković.

Prema podacima iz godišnjeg finansijskog izvještaja stranka nema niže nivo organizovanja.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole je** godišnji finansijski izvještaj Stranke za mladost, razvoj i budućnost za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine.

**Cilj pregleda i kontrole je** da revizor na bazi finansijskog izvještaja pokuša da ustanovi da li je Stranka za mladost, razvoj i budućnost u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole finansijskih izvještaja Stranke za mladost, razvoj i budućnost obuhvata** kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.

### 4. PRETHODNE KONTROLE I REVIZIJE

Kontrola finansijskog izvještaja se obavlja prvi put.

### 5. NALAZI

Stranka za mladost, razvoj i budućnost je dostavila finansijski izvještaj u skladu sa članom 11. stav (3) Zakona o finansiranju političkih stranaka i na obrascima propisanim Pravilnikom o godišnjim finansijskim izvještajima političkih stranaka.

#### **Troškovi predizborne kampanje**

Stranka za mladost, razvoj i budućnost je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 220,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>1</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije – Stranka za mladost, razvoj i budućnost mogla je potrošiti 3.363,90 KM.

---

<sup>1</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## **Komentar**

Stranka za mladost, razvoj i budućnost nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu koji je stranci dostavljen 21.12.2009. godine.

Mr.Hasida Gušić, šef Službe za reviziju

Nevenko Andan, revizor

Anela Burdžović –Kapić, pomoćnik revizora